

QUEN FINANCIA? Que é COOP57?

COOP57 é unha cooperativa de servizos financeiros creada en 1996 por persoas que traballaron na editorial Bruguera, coas indemnizacións cobradas despois de gañar o xuízo por despido. Finánciase coas achegas das súas socias e os intereses aplicados aos préstamos que concede ás distintas entidades da economía social e solidaria, sen ningún tipo de comisión engadida.

O seu obxectivo é financiar proxectos de economía social e solidaria que promovan a ocupación, fomenten o cooperativismo, o asociacionismo e a solidariedade, así como a sustentabilidade baseada en diversos principios éticos. Os proxectos que reciben o apoio de COOP57 deben satisfacer, como mínimo, as seguintes condicións:

- Ter unha finalidade, en sentido amplo, de interese social
- Estar enraizados no territorio.
- Colaborar na construción dunha sociedade máis solidaria.
- Funcionar con criterios de autonomía e xestión democrática.
- Crear postos de traballo estábeis e de calidade.
- Reinvestimento ou reparto dos excedentes en función da participación na actividade da entidade.
- Dispoñer dun proxecto economicamente viábel.
- Demostrar solvencia para devolver o préstamo solicitado.

Podedes ampliar a información sobre COOP57 en www.coop57.coop/gl

Por que escollemos COOP57 para financiarnos?

MULLERES COLLEITEIRAS é socia de servizos e socia promotora de COOP57 GALICIA (a sección territorial de Coop57 na nosa comunidade).

Por principios e modelo de traballo, cos proxectos apoiados por COOP57: cremos que é a ferramenta ideal para financiarnos parcialmente, diversificando así as nosas necesidades de financiamento e non dependendo de forma exclusiva do financiamento bancario convencional, aínda que este proveña de forma preferente de cooperativas de crédito.

Os préstamos concedidos por COOP57 están baseados nun exhaustivo estudo da viabilidade de cada proxecto, de maneira que poidan garantir a consolidación do mesmo e tamén a de COOP57 como entidade financeira. Existe, xa que logo, un interese compartido en que cada organización poida levar a bo porto os seus obxectivos. Isto reflíctese nunha media de préstamos fallidos inferior ao 2% sobre o total do importe medio anual prestado.

Que condicións establece COOP57 para a devolución do préstamo?

O préstamo solicitado a COOP57 por MULLERES COLLEITEIRAS, contempla un prazo de amortización de 4 ANOS, sen outros gastos nin comisións engadidas.

OS AVAIS MANCOMUNADOS

En que consiste un aval mancomunado?

Para conceder un empréstimo, Coop57 require certas garantías da entidade que solicita o apoio financeiro e, no seu caso, avais de tipo persoal e non patrimonial ás persoas que exercen como avalistas da solicitude. Promóvese, por tanto, que a entidade que recibe este apoio e os seus membros se responsabilicen dos cartos recibidos.

A garantía sempre é mancomunada, isto é, dividida proporcionalmente entre todos os avalistas, a diferenza das entidades convencionais que esixen avais solidarios (cada avalista responde da totalidade do importe do crédito).

A garantía consiste en que a entidade que solicita información busque, entre os propios socios, socias e o seu contorno, persoas que confíen no proxecto e que asuman un compromiso persoal e individual para responder como avalistas por unha parte do préstamo concedido. No caso de que a entidade solicitante do préstamo non puidese reembolsar o mesmo, as persoas avalistas responderían no seu nome e só pola parte avalada, en proporción ao saldo vivo do empréstimo pendente de amortizar. Por exemplo: un avalista que se comprometa por 1.000€ terá que responder por 500€, no caso de que MULLERES COLLEITEIRAS tivera pendente de pagamento o 50% do préstamo solicitado a COOP57.

Trátase dun documento privado que non vai a notario e onde non se pide información económica da persoa que avala (nóminas, situación económica patrimonial etc.).

Este sistema permite que moitas entidades con proxectos viábeis economicamente, pero que non están capitalizadas con patrimonio, poidan acceder ao financiamento.

Ademais, os avais persoais mancomunados achegan dous elementos esenciais:

- Establecen unhas garantías adicionais sobre o reembolso do empréstimo e, por tanto, o risco que asume Coop57 diminúe, o que contribúe á viabilidade e á supervivencia do proxecto.
- Demostran e dan información sobre a capacidade de crear rede da entidade en cuestión, que nivel de confianza xera o proxecto e se ten unha base social sólida, ampla e comprometida.

O sistema de avais persoais mancomunados supón un aval social que, para Coop57, é tanto ou máis importante que o financeiro.

Teño que pagar o importe avalado?

NON. Esta é unha das preguntas máis recorrentes e posibelmente sexa debido á confusión xerada polo termo «aval», que no caso das entidades financeiras tradicionais pode implicar a conxelación dun capital ou patrimonio.

O aval persoal mancomunado non implica unha inmovilización de diñeiro nin depósitos nin fianzas. É dicir, **é só un compromiso persoal e individual de quen confía nun proxecto colectivo.**

Qué arrisco como avalista?

Só a cantidade que figura no formulario de aval. Non se responde con ningún tipo de bens patrimoniais nin por cantidades superiores ás avaladas. A medida que se devolve o préstamo, cada aval verá reducida a cantidade comprometida inicialmente de modo proporcional ao importe amortizado na altura.

Que ocorre se temos dificultades para retornar o préstamo?

Cando se detectan problemas de retorno dun préstamo, en COOP57 créase unha comisión de seguimento que se encarga de ditaminar as razóns e motivos da situación e de propoñer a forma de afrontalos, de maneira que satisfaga a ambas partes.

Unha vez esgotadas todas as posibilidades e no caso de que a entidade non mostrase ningún interese por devolver o diñeiro, Coop57, en defensa dos dereitos e deberes das entidades socias e as socias colaboradoras, exercería as accións legais oportunas.

Se a entidade non puidese devolver o empréstimo sen que haxa ningún tipo de "mala fe", e esgotadas todas as opcións, convocaríase ás avalistas para que cumprisen o seu compromiso.

Para as avalistas buscaríase ofrecerlles condicións de retorno que lles fosen favorables, fraccionando o pagamento e sen aplicar ningún tipo de sobrecarga ou comisión. COOP57 ten como obxectivo esencial o apoio financeiro a proxectos cun alto contido social. O seu fracaso tamén é o noso.

Poremos un exemplo para aclarar este punto: no suposto de que MULLERES COLLEITEIRAS tivera un importe pendente de amortizar de 5.000€ (20% do total do empréstimo - 25.000 € -), as avalistas deberan responder **de forma proporcional** até completar a cantidade pendente do empréstimo, de tal maneira que quen avalara 1.000,00 €, responderá por 200,00 €.

Durante canto tempo se mantén o compromiso de cada avalista con MULLERES COLLEITEIRAS?

Até que MULLERES COLLEITEIRAS amortice de forma total o importe do empréstimo solicitado, a contar desde a data da sinatura do contrato de préstamo (a previsión máxima é maio de 2026, mais tentaremos ir facendo amortizacións periódicas para reducir o importe ou o prazo).

Por que se fixa unha cantidade mínima e unha máxima para cada aval?

COOP57 establece un máximo de 5.000,00 € por aval polos seguintes motivos: 1) Para demostrar o grao de respaldo das socias da entidade solicitante ao proxecto a financiar; 2) Para demostrar o grao de implicación co tecido social e a comunidade na que se insire por parte da solicitante; 3) Para partillar e minimizar o risco da operación de financiamento entre a solicitante e Coop57, grazas a unha distribución do importe total entre o maior número de avalistas.

Pola nosa parte, decidimos fixar un aval mínimo de 300,00 € dado que unha cantidade menor alargaría e dificultaría a xestión da campaña de procura de avais, tendo en conta o importe a avalar (25.000,00 €) nun prazo curto de tempo.

Cal é a recompensa por avalar a MULLERES COLLEITEIRAS?

A diferenza das campañas de crowdfunding, aquí non se segue a lóxica de corresponder cada achega con obxectos a modo de recompensa. Avalar a MULLERES COLLEITEIRAS significa comprometerse cos obxetivos dunha entidade que aposta pola integración social, o coidado do medio ambiente e a promoción e consolidación do cooperativismo e a economía social e solidaria na nosa comunidade.

Agradeceremos tamén nas Redes Sociais a cada avalista o seu apoio e darémoslle toda a visibilidade posible ao seu compromiso cun proxecto social e medio ambiental como o noso.

A CAMPAÑA

Para que se realiza esta campaña?

A elección de COOP57 como ferramenta de financiamento de MULLERES COLLEITIERAS é tamén a elección dun modelo que nos permite manter a independencia da banca convencional e diversificar o apoio financeiro necesario para o funcionamento da nosa entidade.

A campaña ten dous obxectivos: o primeiro, procurar o número de avais suficientes para atender o importe solicitado a COOP57, condición indispensable para recibirmos o empréstito; o segundo, dar a coñecer a COOP57 -da que MULLERES COLLEITIERAS é socia de servizos- un importante instrumento financeiro da economía social e solidaria e ao servizo desta, baixo os principios das finanzas éticas.

Canto vai durar?

A campaña pública para completar a cantidade de avais necesarios para solicitar o préstamo será **até o 9 de maio de 2022**

Que ocorre se non conseguimos avalar o total do préstamo?

É importante acadar os avais polo total do crédito. Porén, o aval é unha das garantías esixidas por COOP57, pero non a única. No caso de non conseguir os obxectivos desta campaña, estudaremos coa comisión técnica e o Consello de Sección de COOP57 Galicia outras alternativas que sirvan de garantía para o importe non avalado, malia que confiamos manter o plan inicial.

Como podo avalar a MULLERES COLLEITIERAS?

Completando e asinando este **documento de Aval Mancomunado** (prazo: **6 de maio**), no que se manifieste a vontade de subscribir un aval e o importe a avalar.

Despois, enivándoo a **MULLERES COLLEITIERAS** xunto co do teu DNI, Pasaporte ou CIF (no caso de persoa xurídica) ao noso correo electrónico: mullerescolleiteiras@gmail.com (en caso de sinatura en formato dixital), ou ben ao noso enderezo postal (en caso de sinatura en formato manual):

MULLERES COLLEITEIRAS, S. COOP. GALEGA
R. O BARBANZA, NAVE 9, 15171, OLEIROS, A CORUÑA

Aínda teño dúbidas, como podo resolvelas?

Escríbenos a mullerescolleiteiras@gmail.com ou chámanos ao **608549354 / 881290088** con calquera pregunta para a que non atoparas resposta e atenderémoste.

MOITAS GRAZAS POLO VOSO APOIO!!!